



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Corona Sacratissimorvm Jesu [Iesu] Christi Vulnervm**

**Wael Van Vronesteyn, Willem de  
Antverpiæ, 1649**

Fundam. Fidei, Spei, & Charitatis.

[urn:nbn:de:hbz:466:1-49125](#)

## CONSIDERATIO IV.

*Vulnera Christi**Fundamentum Fidei, Spei, & Charitatis.*

*Io. x. 8, v. 28.* **C**um exaltaveritis filium hominis, ait Salvator, in cruce scilicet, & in ea illum clavis confixeritis, & lanceâ latuus ejus aperueritis, tunc cognoscetis, quia ego sum. *P. i. stim. c. 6.* Vnde S. Bonaventura docet vulnera Salvatoris fundamentum esse fidei, spei, & charitatis. Quò profundius fundamentum hoc in illis attentâ meditatione jacimus, eò altius virtutum harum ædificium exurget.

*Lib. 10. in  
Luc.* Corpus, inquit Ambrosius, in quo manserunt insignia vulnerum, insignia cicatricum, quæ Dominus palpanda obtulit, cæloque inferre maluit, abolere noluit, fidem firmat, acuit devotionem, spei scilicet in illum, ac caritatis.

*Nicol. Or-  
land. hist.  
Soc. Tom I.  
l. 4. n. 31.* S.P. N. Ignatius Hierosolymitanum iter aggressurus, nullos viæ comites, licet se offerrent quamplurimi, nullum pecuniae

pecuniæ subsidium admisit; pro comitibus, ajebat, & omni subsidio, habitum se fidem, spem, & charitatem in Deum, cum his securum se, ac tutum esse; ab his sibi, de necessariis, prospiciendum. Hisce sociis, se loca sacra, sanguine Domini cōspersa veneraturum, auctioremque, ac beatiorem inde reditum, quando scilicet attentâ patientis, ac vulnerati Salvatoris consideratione, incrementum illæ virtutes accipserent.

Quod ut consequeretur, ubi primūm  
sacra illa attigit loca, uti refert Orlādi-  
nus, præcipuis nobilitata salutis nostræ  
mysteriis, solo illo, illis specubus, mon-  
tibus illis, tectorumque reliquiis, anti-  
qua repræsentantibus tempora, ipsas-  
que res ante oculos ponentibus, totus  
in lacrymas abire, pietatis sensu colli-  
quescere, nec os nisi ad reliqua rapere-  
tur, posse à primis avellere; ut quando  
non posset Dominum intueri ubi est,  
intueretur ubi fuit. Ita verò urgebat vi-  
rum sanctum in Redemptorem suum  
caritas, ut optaret, arderetque illo in lo-

Hist. Sac.  
1. l. 1. n. 37.

K

co

eo vitam ponere, & sanguinem fundere, ubi Salvator vitam posuisset suam, & suum fudisset sanguinem. Reditum autem in Europam cogitans, cupidus relictæ à Christo in cœlum subeunte vestigia regustandi, raptim in Olivetum montem evolavit, ubi cùm pietati, atque affectui suo suavissimè satisfecisset, ad sancti Francisci cœnobium revertens, Salvatorem suis conspicuum vulneribus habuit viæ comitem, fidei, spei, ac charitatis suæ magistrum, ut quibus comitibus venerat Ierosolymam, iisdem auctior, & confirmatior (quod non multò post patuit) Venetias, unde solverat, regrederetur.

Stabant Cypri in portu, quo felici cursu fuerat appulsus Ignatius, navigia tria, mox in Italiam solutura. Turcicum unum, alterum Venetum, firmum ac magnum prædictis mercatoris; tertium pusillum, vetustate, carieque fatiscens, cumque quidam peregrinorum instaret apud navis robustissimæ Navarchum, ut Ignatum susciperet, sanctum esse homi-

hominem , is cognito quod pauper  
esset , sanctis navigio opus non esse  
respondit : sed brevi didicit cavil-  
lator impius re ipsa , non ita san-  
ctos viros navigiis , quam navigia san-  
ctis opus habere . Nam cum tres il-  
lae onerariæ pariter vela secundo ven-  
to fecissent , sub vesperam gravissi-  
mâ tempestate coortâ , Turcica con-  
tinuò periit . Veneta prope Cyprum  
allisa in scopulos naufragium fecit ,  
hominibus dumtaxat salvis : parvu-  
la , & malè cohærens , in quam gra-  
tis , facileque Ignatio ascensus patue-  
rat , quamvis multum jactata , cur-  
sum tamen incolumis tenuit . Präfe-  
cerat quippe vir sanctus illi pro Na-  
varcho , & epibatis peritissimis , spem  
ac fiduciam in Deum , eò securior ,  
quod divina illa virtute à passi & vul-  
nerati Salvatoris conspectu , ac medi-  
tatione auctior , & confirmatior Iero-  
solymis factus , non dubitabat quin æ-  
ternus Pater , qui proprio filio non pepercit , Rom. 8, 2,  
sed pro nobis omnibus tradidit illum , ipsi 32.  
non solum felicis cursum navigatio-

K 2 nis,

Quod & viso altero confirmavit Deus, voluitque servi sui Ignatij in se fiduciam ac spem non minore beneficio magis corroborare. Romam vir sanctus, postquam Parisiis novem sibi adlegisset socios, cum Fabro, & Lainio, reliquis per Italiam ad Evangelium distributis, properans, tōto in itinere, præsertim dum quotidiè cœlesti pane reficitur, frequentia supra naturam divinitus lumina recepit. Illud maximè, quod diu in optatis habuerat, animo versabat, quemadmodum posset quasi in familia Christi Iesu famulus cooptari, assidue sanctissimam rogans matrem, ut apud filium sibi conditio nem inveniret, id ipsum ab æterno ejus Patre flagitans, ut cum sibi conciliaret. Itaque sanctis hisce cogitationibus plenus, quo die proprius accedebat ad Vrbem, cùm templum salutandi Numinis gratiâ solus esset ingressus, mente excessit à sensibus, & in ipso contemplationis æstu Majestatem Dei patris,

patris, qui filio Iesu crucem bajulanti  
se suosque amicissime commendabat,  
clarissima luce perspexit, quos cum in  
suum Iesu patrocinium, fidemque re-  
ciperet, ad Ignatium placido ore con-  
versus, *Ego vobis*, inquit, *Romæ propitius*  
*ero*, Ignatij in se spem ac fiduciam ex-  
citans, eo quo passus, ac vulneribus  
confossus fuerat schemate, ut & ipse  
& socij, quos sibi adlegerat, & dein-  
ceps in Iesu Societatem adlegendi e-  
rant, non aliis comitibus, non alio  
viæ subsidio, quam fide, spe, ac in  
Deum caritate, à passo suo, ac vulne-  
rato Salvatore confirmati, & corro-  
borati, diversa loca peragrarent, vi-  
tamque in quavis mundi plaga age-  
rent, animarum, ac divinæ Majestatis  
obsequio omni in functione, conse-  
crati.

*Habentes itaque ( ut cum Apostolo Ad Heb.  
meos in Christo Iesu Socios compel- 12. v. 2.  
lem ) impositam nobis sanctissimum Pa-  
triarcham nostrum imitandi dulcem  
necessitatem, deponentes omne pondus, &  
circumstans nos peccatum, curramus ad pro-*

K3 possum

*Corona Sacratissimorum  
positum nobis certamen, aspicientes in aucto-  
rem fidei, & consummatorem Iesum, qui pro-  
posito sibi gaudio, sustinuit crucem, confusio-  
ne contemptâ; ut qui crucem bajulans,  
propitium se nobis futurum Ignatio  
sponspordit, per eandem à nobis, diffi-  
culty omni perruptâ, ac contemptâ,  
ánimas obtineat pretioso suo sanguine  
redemptas.*

At videamus modò quâ ratione fi-  
des, spes, atque in Deum caritas à pas-  
so, & vulnerato Salvatore in animis  
nostris roborentur.

Primum itaque fidei nostræ funda-  
mentum esse passionem, & vulnera  
Domini, eaqué testari ipsum verum  
Deum, Deique filium esse, probatissi-  
mum est; modus tamen adstruendi ve-  
ritatem hanc, ab ea planè alienus vi-  
detur. Nam capi, ligari, ut virum scele-  
ratissimum ad tribunalia varia abripi,  
conspui, pugnis contundi, cædi colap-  
phis, flagellari, coronari spinis, vario  
Iudibrio exponi, cruci, inter latrones,  
suffigi velut novissimum atque pessimum  
virorum, lanceâ deinde latus aperiri,  
quis

quis dicat , judicetque clarissima in Christo Divinitatis esse argumenta , cùm præsertim nemo , quamvis mortaliū nequissimus , majori contemptu , graviorique supplicio affici potuerit. Nihilominus omnia hæc opprobria , tormenta , vulnera , Dominum Iesum , ut verum hominem , ita verum Deum probant , Centurione , & qui cùm eo erant testibus , qui Salvatoris patientiam , ac mansuetudinem , in gravissimis cruciatibus admirati , cœlumque videntes , ac terram , in ejus morte commoveri , exclamarunt : *Verè filius Dei erat iste !*

Math. 27.

Hoc ipsum probat Isaias , cùm c. 53. v. 8. ait : *de angustia* ( legunt in humilitate LXX. ) & *de judicio sublatuſ est, generacionem ejus quis enarrabit ?* Quis , inquam , eum à tot Iudicibus adeò severè examinatum ; ut blasphemum à Caypha damnatum ; ut amentem ab Herode veste albâ illusum ; à Pilato Barabbâ viro seditioso , latrone , homicidâ nequorem judicatuſ ex pendens , ac in modesta illa , & paciente innocētia sublatum in cru-

K 4 cem,

cem, divinam ejus non fatebitur generationem, quam & Pilatus ipse in illo agnovit, & reveritus est?

Ac, ne cui dubium reliquatur,  
Christus ipse hoc de se testimonium  
dedit, cùm egresso Iuda ad eum ven-  
*Io. 13.v.31* dendum, & prodendum; Nunc clari-  
ficatus est, inquit, filius hominis, & Deus clari-  
ficatus est in eo, si Deus clarificatus est in eo, &  
Deus clarificabit eum in semetipso, & continuò  
clarificabit eum. Perinde ac si diceret: Iu-  
das jam egreditur ad prodendum me,  
& tradendum; imminet ergo mihi crux  
infamis, ac dura mors, quæ adeò non  
cedet mihi ad ignominiam, ut per eam  
summè sim glorificandus. In illis enim  
non tantùm agnoscar esse filius homi-  
nis, & homo, sed & filius Dei, & Deus,  
cœlum enim, & terra testabuntur  
Deum in cruce mori.

*In sacram  
Dom. pass.  
C. 24.v.35.*

Vnde rectè Drogo S.R.E. Cardina-  
lis occasione verborū apud S. Lucam.  
Et cognoverunt eum in fractione panis; in my-  
stico sensu ait: Verè non cognosceris, Domine,  
nisi in fractione panis. Panis caro tua est. fregisti  
manibus tuis corpus tuum, fregisti vulneribus  
scilicet

scilicet corpus, quod foris apparet, & ostendisti  
medullam, scilicet divinitatis tuæ, quæ intus la-  
tebat; uti confractis Gedeonis lagenis, lux quæ <sup>Ios. c. 7. v.  
17.</sup>  
in illis erat se prodidit.

Nabuchodonosor, Alexander Ma-<sup>Dan. 3. v. 14</sup>  
gnus, Imperatores, Reges varii, ac  
Principes, eò dementiæ abrepti sunt,  
ut dii à suis haberi & coli voluerint,  
etiam tonitrua, fulminaque fingentes,  
ut magna numina esse crederetur; quos  
tamen verus, & unus Deus miserri-  
mos esse homines variis argumentis  
ostendit, & ipsi demum confessi sunt.  
Aliter Dominus Iesus, qui in humili-  
tate, & angustiâ, qui in flagellis, &  
spinis, in clavis ac vulneribus, in cru-  
ce & probrosissima morte, ita se Deum  
testatus est, *vt in nomine ejus omne genu* <sup>Phil. c. 2.  
v. 10.</sup>  
*flectatur, cœlestium, terrestrium, ac inferorum.*

Vti divinè docet Apostolus.

Observant Interpretes, & inter hos  
Cornelius à Lapide Societatis nostræ  
Theologus, in eum scripturæ locum: <sup>Cant. 2. v.  
14.</sup>  
*Columba mea in foraminibus petræ, in caverna*  
maceriæ. Hebraicè legi, columba mea, in re-  
cessu scalarum petræ, in abscondito graduum ma-  
ceriæ.

*ceriæ.* Habent petræ , seu rupes foramina , quæ pro scalis serviunt : ita Alexandri Magni milites trecenti, editissimam , & præcipitem vel maximè rupem per ejus foramina , quasi per scalas concidentes , in supremo ejus vertice arcem munitissimam expugnarunt. Habet item maceria , murus scilicet cariosus , excussis vetustate hinc inde lapidibus , velut gradus suos , per quos etiam ascensus in urbes subinde patet , ut successus aliquando docuit.

Ait itaque Christus , qui apud Apostolum petra est , & in flagellato ac vulnerato corpore vera maceria , ait inquam , fidelem animam alloquens : *Columba mea in foraminibus petræ , in caverna maceriæ , in sacris scilicet meis vulneribus commorare , per quæ , piâ meditatione , tanquam per scalarum recessus , & gradus absconditos , ascendes ad intelligendam celsitudinem divinitatis meæ , cum Thoma Apostolo meo .* O bona foramina , inquit Bernardus , quæ fidem adstruunt resurrectionis , & Christi divinitatem !

Serm. 61.  
in Cant.

nitatem! Dominus, inquit, meus, & Deus  
meus. Vnde hoc reportatum oraculum, nisi ex  
vulneribus Salvatoris, quæ ad divinitatem ejus  
gradum faciunt?

In hisce sacrotum Domini vulne-  
rum gradibus à terra in cœlum porre-  
& sis, tantillum hæreamus. Ascendit per  
eos Salvator ad Patrem suum, & Pa-  
trem nostrum, ut per eosdem ad Apo-  
stolos, & ad nos descenderet Spiritus  
sanctus. Per hos, si ipsi voluerimus, non  
minùs, imò & certius, quām per scalam  
Jacob Patriarchæ, descendant ad nos, & <sup>Genes. 28.</sup>  
ascendent à nobis ad Deum Angeli, <sup>v. 12.</sup>  
necessitates nostras, & vota ad ipsum  
deferentes, & dona ejus, ac gratias ad  
nos reportantes. Per has scalas <sup>Ps. 63. v. 8.</sup> ascendet  
homo ad cor altum, à terra scilicet, ac terre-  
nis desideriis sublevatum, & exaltabitur  
in illo Deus, & ille in Deo.

Beatus planè ille, cuius est auxilium abs te, <sup>Ps. 83. v. 6.</sup>  
Domine Iesu, qui novam hanc coro-  
nam usurpando, per quinques quin-  
que orationes Dominicæ, piâ sacro-  
rum vulnerum tuorum meditatione  
ordinate dispositas, intermediis quin-  
que

que salutationibus Angelicis, quasi per totidem scalas, ascensiones, & quidem purpureas, in corde suo disponit, per quas, ad votorum suorum, atque omnium bonorum culmen pertingat. Longè utique felicius Salomone, qui ferculum fecit sibi, cuius, inter cætera, fecit ascensum purpureum, & ejus media, charitate constravit. Tui unius causâ fecit se ipse Dominus Iesus ferculum, ô filia Ierusalem, ô anima Christiana, & in eo ascensum vulnerum purpureum, cuius medium sacri lateris, imò cordis divinissima sua charitate constravit. Nullibi ergo felicius columba, nullibi beatius anima esse poterit, quam in foraminibus petræ, quam in caverna mäceriæ, in vulneribus scilicet Salvatoris, per quæ veluti per scalarum recessus, & gradus absconditos, cum Thoma Apostolo ad Dominum, ac Deum suum ascendat.

Sed ut ad institutum redeam; *super lapidem unum septem oculos esse*, ait Deus Cap. 3. v. 9. apud Zachariam, lapis Christus Dominus est; *super eum septem oculi sunt, atten-*

attentissima scilicet Dei consideratio,  
& sollicitudo, ut cum poliat, & exceilentiam quæ in illo latet ostendat; &  
ecce ego, inquit, *ex labo sculpturam ejus*; He-  
bræus legit: aperiam aperturam ejus;  
hoc est, inquit Hieronymus; istum la-  
pidem clavis crucis, & lanceâ militis  
faciam vulnerari, & aperiri, ut, quæ  
in illo latet divinitatis Majestas, se  
per vulnera & aperturam, veluti per  
cælaturam ac sculpturam manifestet.

*Clamat clavus, clamat vulnus,* ait Bernar- <sup>Serm. 61.</sup>  
dus, quod Christus Deus fit, & homo, do-  
centque Deo vicinorem esse nem-  
nem, quam qui cum Christo patitur,  
cælatur, ac sculptur, eiique cum Apo-  
stolo configitur.

Sunt etiam vulnera Domini spei no-  
stræ robur, ac firmamentum; cùm  
enim constet per illa redemptos nos  
esse, per eadem etiam speramus, nos  
æternam salutem consecuturos. *Chri-*  
*stus*, inquit Apostolus, *in vobis est spes* <sup>Colos. c. 1.</sup>  
*gloriae*, scilicet per passionis & vulnerum  
suorum sacratissimorum merita. Sed  
de hac spe dicam alibi fusiùs.

Tertiò

Tertiò vulnera Salvatoris, charitatis nostræ sunt fundamentum. Militum unus aliquis, de exiguo in Iulium Cæsarem amore accusabatur. Is ubi hoc intellexit, illico pectus nudans, vulneraq; ostendens: Hi, inquit, Cæsar, testes mei sunt adversus mendaces hostium meorum linguas, quo in te affectu semper fuerim. Et quis in animi affectione, dum Domini Iesu vulneratas manus, ac pedes, perfosumque pectus recogitat, de ejus in se amore, ac benignitate dubitabit?

*Ivan c. II.*  
v. 37.

Deflebat Salvator distinctum Lazarum, fratrem Marthæ ac Magdalenæ. lacrymas has vident Iudæi, & exclamant: *Ecce quomodo amabat eum!* Ad mortem æternam eramus damnati omnes: vulneribus suis, quasi tot oculis, & sanguineis lacrymis deflevit Dominus misericordiam & mortem nostrā: *Ecce anima mea, quomodo amat te.* Redde illi amorem tuum, neque illi tantum, sed & proximo tuo, quem, si per charitatis januam, non admiseris in cor tuum, neque Salvator offensus in sacratissima sua

sua vulnera te adiunxit; quibus exclu-  
di, est cœlo excludi.

Ita nonnemo alteri infensus, ut re- *Lib. de tent.*  
fert Cæsarius Heisterbacenſis, dū no- <sup>c. 19.</sup>  
cte quadam, per visum, Christum  
conspicit Cruci affixum, humili despe-  
ctum jacere, velo tenui, & perspicuo  
contectum, visus sibi est de lecto sur-  
gere, velumque retegere, ut venera-  
bundus sacra Domini vulnera exoscus-  
laretur; sed refixa à Cruce manu Sal-  
vator, vultu indignabundo, hominem  
arcet, neque ad vulnerum sacrorum  
osculum, aut ad cordis amplexum,  
eum admittit, qui amico verbo, cor-  
disque affectu proximum suum dedi-  
gnabatur. Ita in vulneribus, ac corde  
Christi Iesu locum non obtinet, cuius  
in corde locus proximo negatur.

CON-